



**REPÚBLICA DEMOCRÁTICA DE TIMOR-LESTE**  
**SECRETARIA DE ESTADO PARA A PROMOÇÃO DA IGUALDADE**

**PLANU ESTRATÉJIKU 2012-2017**

**1. Introdusaun**

Tinan nee Timor Leste marka pasu importante ida tan hodi selebra nini restaurasaun ba Independensia ba tina sanulu. This year Timor-Leste marked its tenth anniversary of the restoration of our independence. Durante tinan sanunlu nee, konsege halo mudansa signifkante iha prosesu dezenvolvimentu nasaun ida demokratiku no establesimentu estrutura governasaun neebe efetivu. Nune'e mos atinji ona progresu lubuk iha promosaun igualdade jeneru. Aliende bazeia ba kontitusaun da TDTL, ne'ebe garanti igualdade entre feto no mane, Governu Timor Leste mos ratifika ona konvensaun Internasional konaba direktus umanus hanesan *Konvensaun Eliminasan Forma Hotu Diskriminasaun kontra Feto (CEDAW)*.

**Deklarasaun Dili** asina iha loraon 8 fulan Marsu 2008 iha nebe entidadi sira halo kompromisu atu promove igualdadi jeneru, partikularmente: *atu estabese servisu parsaria ne'be dinamiku ho fahe esperensia no hanoin konaba igualdade jeneru, asegura integrasaun perspektiva jeneru iha Planu Dezenvolvimentu nasional, dezenvolve orsamentu ida nebe sensitivu ba jeneru; elimina violensia kontra feto no labarik feto sira no atu adopta Lei Kontra Violensia Doméstika, no planu implementasaun ida ho fundus sira atu trata asuntu violensia doméstika; dezenvolve mekanizmu ida atu promove asesu hanesan ba direitu proprietariu no rai, no mos igualiddi iha asesu ba edukasaun nebe aas liu ba feto no labarik feto sira, inklui bolsa de estudu iha área jestaun rekursus naturais; promove polítika saudu ida nebe sensitivu ba jeneru atu prevene HIV/SIDA no promove planeamentu familiar no promove servisu integradu da saude komunitaria; investe iha feto sira liu husi polítika desentralizasaun ida no asegura katak asaun sira ne'e kontribui ba realizasaun objetivu sira CEDAW*

Timor Leste avansa liu nasaun lobuk ida konaba partisipasaun feto iha politika. Iha eleisaun Parlamentu ne'ebe halao iha Julhu 2012, iha 38% feto mak eleitu ba tur iha Parlamentu Nasional (PN). Signifika Timor Leste atinji liu tia Objektivu

Dezenvolvimentu Milineum 35% ne'ebe tenke atinji iha tinan 2015. Fator importante ne'ebe kontribui ba progresu nee mak PN halo alterasaun ba iha Lei Eleisaisaun Parlamentaria ne'ebe fo quota ba lista kandidatura katak entre kandidatu nais tolu tenke iha fetu ida.

Atu kombate violensia bazeia ba jeneru, Timor Leste adopta ona Lei Kontra Violensia Domestika iha fulan Julhu 2010 nune'e mos Planau Asaun nasinal konaba violensia bazeia ba jeneru no violensia domestika aprova ona husi Konselhu Ministru iha Maiu 2012 atu suporta mekanismu koordenasaun husi Governu, sosiedade sivil no doador atu responde ba violensia bazeia jeneru.

Governu Timor Leste mos rekonese katak partisipasaun fetu ne'e esensial tebes ba dezenvolvimentu nasaun iha futuru. Planu Estratejiku Dezenvolvimento Timor Leste 2011-2030 inklui vizaun ida katak iha tina 20130, Timor Leste sei moris iha comunidade ida ho ambiente igualdade jeneru ne'ebe valoriza tebes direktus umanus no direitu fetu, ne'ebe proteje no promove husi ita nia lei no kultura."<sup>1</sup> Atu atinji vizaun ne'e, sei adopta estratejia lubuk ida inklui hasae numeru partisipasaun fetu iha fungsiunariu publiku no iha posisaun kargu chefia. Asauk hirak ne'e mos sei aseguara katak politika, treinamentu no programa lideransa sei dezenvolve hodi suporta fetu iha area foti desijaun iha seitor publiku no privadu. Liu husi meus hirak ne'e, sei hasae oportunitades ba fetu hodi kontinua fo influensia no aktivamente kontribui ba prosesu dezenvolvimentu ne'ebe sei realize iha tempu naruk.

Atu aseguara integrasaun perspektiva jeneru iha dezenvolvimentu estratejia, politika, programa, legislasaun no orsamentu iha institusaun estadu nia laran maka Governu adopta ona resulusaun tolu Abordajen Integradu jeneru no Orsamentu Responsivu Jeneru. Resulasaun ikus liu ne'ebe adopta iha Augustu 2011, rekere ba linha Ministeriu no Secretaria Estado nune'e mos Distritu hotu atu forma Grupu Trabalho Jeneru ne'ebe kompostu husi ofisiais senior sira ne'ebe iha responsabilidade ba foti desijaun no implementasaun orsamentu.

## **2. Inigualdadi Jéneru iha Timor-Leste**

Relatoriu inisial CEDAW nasaun ida ne'e nian submete ba Komite CEDAW iha Nova-iorke iha tinan 2008 no fo análise ida kona ba situasaun fetu sira iha Timor-Leste. Iha tinan hanesan, Kongresu Fetu ba dala tolu identifika problema espesífiku jéneru sira iha área ekonomia, edukasaun, saudi, justisa, sosial, kultural no polítika no halo rekomendasaun espesífika sira atu diriji problema sira ne'e.

---

<sup>1</sup> Planu Estratejiku Dezenvolvimentu 2011-2030, p. 56-58

Entre observasaun importanti sira nebe iha maka: *dominasaun sistema patriarkal iha nasaun ida ne'e nebe hatudu iha iniguldadi jéneru iha edukasaun, saudi, ekonomia no asesu ba justisa* – setor prioridadi haat iha Planu Estratéjiku OPE tinan 2006-2011<sup>2</sup>.

Dominasaun kultura patriarkal halo metin nafatin bias jéneru iha aspetu moris hotu iha Timor. Hanesan númeru analfabetizmu fetu aas liu no mane. Entre fetu nain tolu iha nain ida mak analfabetizmu kompara ho mane nain ida husi mane nain lima<sup>3</sup>

Timor Leste sae sai hanesaun nasaun ida ne'ebe ho numeru fertilidade aas iha mundu ,5.7<sup>4</sup> labarik kada fetu ida, numeru ne'e mudansa ona husi 7.8<sup>5</sup>. Nune'e mos ho numeru mortalidade materna 557/100,000 mai ne'e menus ona husi numeru antes 660/100,000.

Fetu lubuk ida maka sofre violensia domestika, iha 38% maka Many Timorese women suffer from domestic violence, 38% fetu iha esperensia hetan violensia fisika<sup>6</sup>, no labele asesu ba justisa hodi hetan solusaun ba sira nia problema.

Nue'e mos partisipasaun fetu iha kampu trablhu nia numeru metade husi mane, 28% fetu no 57% mane, no iha deit direitu oituan ba propriadade tamba impaktu husi sistema tradisonal konaba eransa, maibe iha kodigu sivil ne'ebe foin adopta (Augustus 2011) mensiona iguldade de direitu ba rai no propriadades.

Partisipasaun fetu foti desijaun menus tebes, liu-liu iha nivel local. Iha nivel nasional iha 29% fetu iha funsaun publika maibe iha deit 15% mak okupa kargu chefia.<sup>7</sup>

#### Asuntu no Obstákulu sira

SEPI hasoru obstákulu sira nebe fo impaktu ba promosaun iguldadi jéneru no obstákulu sira mak hanesan:

- *Limitasaun dadus desegregasaun-seksu* hodi uja ba advokasia no relatorio sira, ba futuru Governu konsidera no koopera ho entidades relevantes hodi estabelese Centru Estudu jeneru neebe bele oferese datu aktual hodi suporta analiza ruma ba asuntu jeneru.

<sup>2</sup> Planu estratéjiku OPE 2006-11 uluk uza hanesan baze ba Planu Estratéjiku 2010-15. Maski nune'e mudansa estrutura husi OPE ba SEPI husu atu iha ajustamentu ba Objétivu nebe uluk difini ona.

<sup>3</sup> Diresaun Nasional estatistika (DNE) [Timor-Leste], Ministeriu Finasan [Timor-Leste], no ICF Macro. 2010. *Timor-Leste Saude no Demographic Survey 2009-10*. Dili, Timor-Leste: DNE [Timor-Leste] no ICF Macro.

<sup>4</sup> Ibid

<sup>5</sup> Ministry of Health and National Statistics Office, Timor-Leste, and ACIL Australia Pty Ltd, University of Newcastle and The Australian National University, Australia. 2004. *Timor-Leste 2003 Demographic and Health Survey: Key Findings*. Dili, Timor-Leste: Ministry of Health.

<sup>6</sup> DHS 2009-10

<sup>7</sup> SEPI Calculation using 2011 Public Service Commission statistics

- SEPI rekonhese importansia ba produsaun dadus desegregasaun-seksu atu bele halo ninia funsaun fiskalizaun, monitorizaun no evaluaun ho efetivu liu. Situaun iha promosaun igualdadi jéneru, espesialmente relasiona ho impaktu asaun abordajem jéneru sira ba benefisariu alvu sira no realizaun husi objetivu nasional ba igualdadi jéneru iha setor sira, izemplu, saudi, edukasaun, justisa no agrikultura, ext, mos sai vulneravel liu tan tanba la iha dadus desegregasaun-seksu. SEPI koopera ona ho ADB hodi estabese GenderInfo-database konaba informasaun jeneru
- Presiza atu optimiza mekanizmu institucional nebe iha ba abordajem jéneru hanesan Grupu Traballu Jeneru nebe foin estabese iha Nivel Ministeriu no Distritu.
- *Nesesidadi atu determina impaktu treinamentu jéneru no inisiativa abordajem jéneru sira.* Hanesan, iha ona treinamentu kona ba orsamentu jéneru. Agora SEPI presija halo asesu oinsa treinamentu hirak ne'e bele suporta GTJ hodi aborda jeneru ba iha sira nia planu asaun no orsamentu. Nune'e mos, presiza sukat rezultadu intervensaun abordajem jéneru: *Mortalidadi inan tuun hanesan rezultadu ida husi abordajem du jéneru iha Ministeriu Saudi ka la'e? Iha ona ka la'e aumentu iha númeru fetu sira iha edukasaun nebe aas liu? Iha mos nesetidadi ba indikador sira atu determina se karik iha realidadi abordajem du jéneru iha efeitu iha ministeriu sira.*
- *Jestaun ba konhesimentu.* Iha ona númeru inisiativa ba promosaun igualdadi jéneru sira iha kampu no lisaun nebe bele foti husi ne'e. Hanesan izemplu, Edifisiu Secretario do Estado para Segurança organiza ona treinamentu ba konhesimentu jéneru entre polisia sira iha distritu 13 sira, no sira hato'o relatoriu kona ba impaktu pozitivu husi asaun sira ne'e. Esperiensia ida ne'e bele analiza atu foti lisaun ruma. SEPI bele marka enkontru ba forum ida atu fahe esperiensia saida mak la'o no saida mak la la'o iha kampu iha inkontru GTJ inter-Ministerial no inter-Distrital konaba mudansa signifikante iha AIJ.
- *Rezistensia atu kolabora ho SEPI no konhesimentu publiku nebe kiik kona ba SEPI nia ezistensia.* Ajensia no Entidadi sira hatene uitoan deit kona ba SEPI no sira nia misaun no parseiru sosiedadi sivil sira la dun iha hakarak atu halo ligasaun no involve SEPI iha sira nia programa sira. Ida ne'e taka dalan ba realizaun nebe efetivu ba SEPI nia funsaun ba halo koordenaun no supervizaun sira.
- *Atitudi sira nebe la favorese promosaun igualdadi jéneru.* Konhesimentu no kompriensaun kona ba nesetidadi ba igualdadi jéneru tenki hasa'e liu tan. Iha

Timor-Leste, ema barak la fo importansia ba igualdadi jéneru no ema ladun komprende linguajem bias-jéneru ho diak.

- *Rekursus humanus no finanseiru nebe limitadu ba promosaun igualdadi jéneru.* Obstákulu prátika sira iha SEPI nia servisu inklui: espasu fíziku nebe limitadu; númeru staff péritu nebe limitadu; no la iha mata dalan ba monitorizasaun no evaluasaun. Liu tan, tanba fluktuasaun iha mina rai nia folin, SEPI nia orsamentu afetadu no la iha serteza se karik fundu governu nian sei aumenta iha tinan lima ba oin. Seluk tan de faktu katak krizi finanseiru global sei fo impaktu ba ekonomia Timor nian. Hanesan izemplu, ajudu internasional ba Timor dala ruma sei redus.

### **3. Antesededenti badak kona ba SEPI**

Reforma importanti ida iha area promosaun igualdadi jéneru iha Timor Leste maka hamosu Dekretu-Lei No. 7/2008 iha loron 5 fulan Setembru 2008 nebe estabelese Secretaria Estado Para a Promoção da Igualdade (SEPI) nebe troka Gabinete Assesoria ba Promoção Igualdade (OPE). Reforma institusional ida ne'e ho objetivu atu kria estrutura fungsional ida nebe dinámiku no fleksível nebe fo posibilidadi ba implementasaun misaun sai efetivu liu. Dekreitu lei nee iha tinan 2012 altera tia fali ba Dekreitu Lei no 14/2012 hodi estabelese tan pontu fokal SEPI iha 13 Distritus no kria tan Auditoria e Inspetoria iha SEPI.

Direitor-Jeral; Direitoria Nasional ba Administrasaun no Finansas; Direitoria Nasional ba Polítika no Dezenvolvimentu Jéneru, Inspesau no Auditoria. Hamutuk mos ho SEPI Konsehu Asesoria ida nebe hanesan orgaun konsultativu mutual ida husi Secretaria do Estado Para a Promoção da Igualdade.

Antes nee SEPI halo implementasaun Planu Estratéjiku OPE tinan 2006-2011 neebe altera tia ho Planu Estratejiku 2010 – 2015 no ikus mai ajusta tia fali ba Planu Estratejiku 2012 – 2017.

### **Funsaun SEPI nian**

SEPI maka hanesan Governu nia entidadi prinsipal nebe responsabiliza ba *halo planu, ezekusaun, koordenaun no avaliaun ba polítika sira* hanesan difini ona husi Konsehu Ministru, ba área sira promosaun no defeza ba igualdadi jéneru. SEPI ba Vice Primeiru Ministru.

SEPI nia funsaun prinsipal no valor adisional maka iha ninia funsaun ba koordenasaun no fiskalizasaun sira. SEPI la'os ajensia atu halo implementasaun. Implementasaun ba lei, polítika no programa sira maka iha ministeriu kompetinti husi Maski nune'e SEPI iha **funsaun hanesan ajenti katalístiku** atu promove igualdadi jéneru iha Timor laran tomak. SEPI tenki serve hanesan servisu prinsipal no sai hanesan kampeaun ba jéneru iha Governu no tenki fo advokasia katak jéneru inkorpora iha polítika, programa no orsamentu sira organizasaun no instrumentu governu nian

#### **4. Entidadi sira iha Promosaun Igualdadi Jéneru**

Atu atinji comunidade ida ne'ebe moris ho ambiente igualdade jeneru, ne'e sai responsabilidade ema hotu iha siedade Timor Leste. SEPI la bele halao ne'e mesak, tenkeser parseria ho autor diferente hodi atinji misaun ne'e. parseiru importante sira inklui autor foti desijaun no implementadora sira hanesan lina ministeriu no ofisiais Distritu sira. Sociedade sivil mos sai parseiru importante iha area advokasia ba politika responsive jeneru, lei, estrutura institusional no mekanismu sira. Sociedade sivil inklui Institusaun Akademia, organizasaun Feto, juventude, media, relijiosu no seitor privadu. Parseiru multilateral no bilateral bele fo apoiu tekhniku no finanseiru ne'ebe signifikante ba SEPI nia programa hodi bele kovre limitasaun hirak ne'ebe SEPI hasoru. Atu sai efektivu liu iha ninia misaun SEPI tenke halo koolaborasaun diak ho parseiru hirak ne'e hotu.

#### **5. Prioridadi sira ba Periodu Planeamentu**

SEPI nia preukupasaun prinsipal maka hametin ninia estrutura no kapasidadi tékniku professional sira no membru Grupu Traballu Jeneru; aseguara implementasaun abordajem du jéneru iha ministeriu no Secretariu Estado sira. Relasiona ho asuntu ne'e SEPI sei fo treinamentu no assistensia teknika hodi apoiu GTJ nia esforsu hodi garanti politika, programa no orsamentu refleta necesidades feto no mane.

Fo influensa ba lejislasaun foun atu integra jéneru no sensibilizasaun ba jéneru entre implementador polítika sira atu aseguara implementasaun lei sira hanesan *Lei Kontra Violensia Doméstika* no *Konvensaun Eliminaun forma Violensia Hotu kontra Feto (CEDAW)* no aseguara halo estudu no peskiza sira atu fo apoiu ba SEPI nia funsaun advokasia no advokasia tékniku sira ba esforsu sira atu promove igualdadi jéneru. To'o agora, servisu sira ne'e iha hela progresu. SEPI sei apoiu

lina ministeriu sira hodi aloka orsamentu ba implementasaun planu Asaun Nasional konaba violensia bazeia ba jeneru no violensia domestika.

Agora estadu Timor iha hela prosesu ida kria lei no politika sira hanesan parti husi prosesu rekonstrusaun nasional sai oportunidadi ida ba SEPI atu integra jéneru iha lei sira ne'e, no mos atu fo advokasia ba lei sira nebe ligadu ho jéneru. Importanti liu maka, SEPI presiza atu fo advokasia ba lei sira nebe bele lori ba kriaun kultura igualdadi jéneru ida.

Implementasaun politika no lei sira ho prespetivu jéneru husu tebes katak jéneru presiza aborda iha organizaun governu no instituisaun implementasaun lei sira. No, atu fo apoiu ba Governu ida nebe iha sensibilidadi ba jéneru, ema Timor oan sira tenki fo sira nia apoiu ba ema sira nebe halo polítika, ema sira nebe implementa polítika no implementador lei sira. Nune'e prátika hasa'e konhesimentu ba asuntu jéneru ho eskala boot no nesetidadi ba igualdadi jéneru entre populaun sira sai estremamente vital.

Asegura katak necesidades jeneru no prioridades iha planu Estratejiku dezvoltimentu iha ninia implementasaun sai prioridades importante ida ba SEPI, no SEPI mos partisipa aktivu iha prioridades nasional.

---

## Estratejia SEPI nian


### Objetivu sira husi estratejia ne'e maka hanesan:

---

- 1) Hari'i kapasidadi SEPI nian iha abordajem du jéneru;
- 2) Fo advokasia ba polítika no lei sira nebe iha sensibilidadi ba jéneru iha nivel nasional no lokal;
- 3) Halo instituisaun sira sai sensivel ho jéneru liu husi abordajem du jéneru iha polítika, program, prosesu no orsamentu sira;
- 4) Hasa'e nivel konhesimentu ba jéneru entre entidadi sira no públiku jeral atu bele enkoraja públiku nia apoiu ba promosaun igualidadi jéneru.
- 5) Empoderamentu fetu iha vida ekonomia

Ida ne'e hatudu iha diagrama iha okos:

---



### Visaun, Valor no Misaun

#### Visaun

Timor-Leste nasaun ida nebe prósperu no nakonu ho dame no sosiedadi ida nebe iha igualdadi jéneru nebe ema nia dignidadi no direitus humanus, inklui direitu sira fetu nian, hetan valor, protejidu no promove liu husi ninia lei no kultura sira.



## **Valor**

Atu alkansa ninia objetivu sira, SEPI kaer ba valor prinsipal sira hanesan:

- Igualdadi sustantivu
- Não-diskriminasaun
- Partisipasaun mane no fetu sira
- Haforsa fetu sira
- Direitus humanus no direitus fetu nian
- Justisa
- Dame
- transparensia

## **Misaun**

SEPI buka atu *promove kultura iguldadi jéneru*. SEPI iha autoridadi no responsabilidadi atu implementa programa abordajem jéneru sira no atu fo influensia ba lei no polítika sira atu halo sira iha sensibilidadi ba jéneru.

SEPI nia misaun inklui: sensibilizasaun públiku no konhesimentu ba nesesidadi atu promove igualidadi jéneru, elimina diskriminasaun no violensia kontra fetu; fo advokasia ba polítika nasional no setoral nebe rekonhese kontribuisaun fetu sira ba sosiedadi.

Liu husi ezersisiu husi SEPI nia funsaun fiskalizasaun no advokasia tékniku, SEPI buka atu asegura katak jéneru aborda iha estrutura institusional, entidadi no mekanizmu governu nian sira hotu nebe haforsa no halo fetu sira bele partisipa iha aspetu no área hotu ema Timor nia moris iha nivel nasional no lokal.

Atu bele alkansa ninia objetivu, SEPI sei komesa halo diálogu, estabelese ligasaun no koordena ho sosiedadi sivil, organizaun komunitária sira, organizaun nasional no internasional sira, organizaun fetu no joven sira, no instituisaun no setor sira seluk nebe iha relasaun servisu ho SEPI.

## Planu estratéjiku husi tinan 2012-2017

Atu alkansa ninia objetivu estratéjiku haat, SEPI detemina ona ninia objetivu no área rezultadu prinsipal imediata hanesan deskreve iha sesaun ida ne'e.

### **Objetivu 1: Hari'i SEPI nia kapasidadi institusional**

*SEPI iha rekursus humanus no finanseirus nebe limitadu. Ajudu esternal sira dala ruma sei reduz iha tinan hirak ba oin. Maski nune'e, nesesidadi ba advokasia tékniku aumenta nafatin. Tanba ida ne'e, SEPI tenki buka dalan no aumenta kapasidadi staff sira no hasa'e ninia kapasidadi tékniku iha abordajem du jéneru. SEPI presiza integra CEDAW iha programa kapasitasaun sira.*

| Objetivu imediata   | Area rezultadu prinsipal sira  |
|---|--|
| 1) Atu dezenvolve staff SEPI nia kompetensia iha jéneru                       | <p>1) Iha Kapasidadi prinsipal ba konhesimentu no abilidadi iha jéneru</p> <ul style="list-style-type: none"> <li>• Staff SEPI hotu treinadu iha sensibilidadi jéneru</li> <li>• Tékniku profesional sira SEPI nian treinadu iha abilidadi abordajem du jéneru (staff espesífiku bele iha espesializasaun ba ferramenta espesífiku balu);</li> <li>• Tékniku profesional SEPI no Ministeriu ligadu sira treinadu iha análise jéneru, halo orsamentu jéneru no fasilidadi jéneru sira seluk.</li> </ul> <p>2) Kursu Treinamentu ba treinador (TOT) dezenvolve/kompila kuríkulu kona ba skill sira nebe ligadu jo abodrajem du jéneru (iz. Treinamentu sensibilidadi ba jéneru; análise ba jéneru; planeamentu jéneru; audit ba jéneru, ect.)</p> <p>3) Direitor no chefi departamentu sira treinadu iha lideransa</p> <p>4) Staff SEPI sira hotu treinadu iha lian (Ingles &amp; Portugues) no treinamentu komputador</p> |
| 2) Atu dezenvolve fasilidadi no mata dalan ba abordajem do jéneru iha governu | <p>1) Dezenvolve no dissamina planu kursu no kuríkulu ba treinamentu staff sira iha abordajem du jéneru</p> <p>2) Indikador sira ba progresu iha abordajem du</p>  |

|   |   |
|---|---|
|   | <p>jéneru estabesidu</p> <p>3) Mata dalan ba monitorizasaun no evaluasaun, nebe iha indikador no prosedimentu atu determina progresu iha abordajem du jéneru no ninia impaktu</p> <p>4) Forma/padraun administrasaun –inkluzivu ida ba planeamentu, halo orsamentu, no relatoriu lora-ba-lora disponivel ba adopsaun no aplikasaun husi ministeriu ligadu</p> <p>5) Relatoriu GTJ hatama ba SEPI regularmente</p> |
| <p>3) atu hari'i kapasidadi staff SEPI iha advokasia halo lobby no polítika</p> | <p>1) Módulu treinamentu kona ba halo lobby no advokasia dezenvolve</p> <p>2) Kursu treinamentu sira kona ba halo lobby no advokasia implementa</p> <p>3) Tékniku profesional na'in 5 husi 15 treinadu iha halo lobby no advokasia</p> <p>4) Staff iha asuntu legal sira bele halo avalisaun jéneru ba lei no polítika sira</p>   |
| <p>4) Atu mobiliza rekursu husi fontes alternativa sira</p>                     | <p>1) Kapasidadi staff SEPI iha design programa no preparasaun proposta dezenvolidu</p> <p>2) Redi no ligasaun sira ho doadores no parseirus multilaterais sira sai metin liu tan</p> <p>3) hetan tan fundu programa sira husi fontes sira nebe la mai husi governu</p>   |

***Objetivu 2: Suporta instituisaun governu no ajensia estadu sira atu promove igualdade entre feto no mane.***

*Halo instituisaun governu, implementador polítika no implementador lei sira sai sensivel ho jéneru importanti tebes iha implementasaun lei no polítika sira no atu asegura katak feto sira partisipa iha governasaun, fo influensia ba movimentu no direasaun dezenvolvimentu no asesu ba benefisiu sira husi dezenvolvimentu. Inisiativa sira atu aborda jéneru.*

| Objetivu Imediata  | Área rezultadu prinsipal sira   |
|--|---|
| <p>1) Atu suporta desenvolvimentu no implementasaun Lei no Politika hodi promove igualdade jeneru</p>  | <ol style="list-style-type: none"> <li>1. Lei no politika sira ne'ebe foun no existi ona iha sensibilidadi ba jéneru</li> <li>2. Hasa'e implementasaun Lei kontra Violensia domestika no Planu asau Nasional konaba violensia bazeia ba jeneru</li> </ol>   |
| <p>2) Atu hametin kapasidadi abordajem jéneru no kapasidadi institusional sira iha nivel nasional.</p> | <ol style="list-style-type: none"> <li>1. GTJ sira treinadu no integra perspektiva jeneru ba iha politika, legislasaun no orsamentu</li> <li>2. Asesmentu jeneru no audit jeneru halao iha Ministeriu no Secretria Estadu hotu</li> <li>3. Linguajem inkluzivu-jéneru uza iha forma/templates administrasaun sira ba planeamentu, halo orsamentu, relatoriu no planeamentu administrasaun iha Ministeriu no Secretariu estadu hotu</li> <li>4. Ministeriu ligadu sira hotu halo relatoriu annual kona ba ezekusaun jéneru ba edifisiu Primeiru Ministru.</li> </ol> |
| <p>3) Atu promove desentralizasaun liu husi hametin redi GTJ iha distritu sira</p>                     | <ol style="list-style-type: none"> <li>1. Planu asaun jeneru existi iha GTJ Distritu hotu.</li> <li>2. GTJ Distritu sira iha kapasidade atu aseguira katak perspektiva jeneru integra iha prosesu PDID</li> <li>3. GTJ Distritu sira hasae konesimentu autor foti desijaun sira iha Distritu, sub Distritu no nivel suku konaba importansia husi integra perspektiva jeneru ba governasaun local no prosesu planu desentralizadu.</li> </ol>  |

**Objetivu 3: Hasa'e nivel konhesimentu ba jeneru entre entidadi sira no públiku jeral iha nivel nasional no lokal.**

*Formulasaun ba lei, política no no instituisaun sira nebe iha sensibilidadi ba jeneru no halo governasaun ida nebe sensivel ho jeneru presiza apoiu nebe significativu husi públika jeral. Ida ne'e inklui, nesetidadi ba mudansa atitudi sira nebe apoiu promosaun igualidadi jeneru. Maski nune'e, mundansa iha atitudi presiza konhesimentu no sensibilizasaun jeneru entre ator prinsipal sira hanesan média.*

| Objetivu Imediata   | Area Rezultadu prinsipal sira   |
|---|---|
| 1) Hasa'e konesimentu públiku konaba iguldade jeneru                                | <ol style="list-style-type: none"> <li>1. Media komunikaun sira iha konesimentu konaba oinsa atu halo publikasaun ne'ebe sensibel jeneru</li> <li>2. Meus no materiais ba kampana no ba atividades hasae konesimentu públiku dezelve no produs ona</li> </ol> |
| 2) Atu asegura partisipasaun fetu no mane ne'ebe igual iha vida politika no públiku | <ol style="list-style-type: none"> <li>1. Feto sira enkoraja atu partisipa iha eleisaun suku no governasaun lokal hanesan votante no kandidatu</li> <li>2. Numeru fetu sira iha ofisiais senior governu nian aumenta liu tan</li> </ol>                       |

**Objektivu 4: Empoderamentu fetu iha vida ekonomia**

*Atu atinji igualdade jeneru iha sociedade presija mos hadiak fato nia moris iha vida ekonomia liu husi formasaun grupu fetu sira iha pequenas empresas hodi bele ulun ekonomia familia.*

| Objetivu Imediata   | Area Rezultadu prinsipal sira  |
|---|--|
| 1) Atu apoiu fetu sira kontribua aktivu ba dezvoltamentu ekonomia iha sira nia comunidade | <ol style="list-style-type: none"> <li>1. Grupu fetu iha asesu ba fundus hodi hahu sira nia pequenas empresas</li> <li>2. Grupu fetu iha kapasidade atu jere sira nia pequenas empresas</li> </ol> |
| 2) Hasae habilidades fetu sira hodi promove no  | <ol style="list-style-type: none"> <li>1. Grupu fetu identifikadu halo produsaun ba produtu potensial iha area rural</li> </ol>  |

|                      |  |
|----------------------|--|
| produs produtu lokal | 2. Grupu fetu sira iha konesimentu konaba tekniku no metodu diferente oinsa atu dezenvolve produ lokal |
|----------------------|--|

Dili, loron 15 fulan outubru 2012